



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

4 g Lucius der 23. Bapst vnd Marterer.

urn:nbn:de:hbz:466:1-41449

Ehemann/ dem heyligen Kayser Heinrich dem andern
 diß Namens (von welchem am 13. tag Heymonats)
 Christo in steter Junckfrawschafft dienete/ hat auch mit
 demselben Kayser die Kirchen zu Bamberg vnd andere
 Stifte auffgerichtet vnd begabet/ auch mehr grosser All-
 müsen miltiglich gethan. Zum zeugnuß ihrer Junck-
 frawschafft / gieng sie ohn veelekung auff glüenden
 Pflügeysen/ vnd nach ihres Manns absterben/ nam sie
 ein Geistlichen Orden S. Benedicti an/ in dem Kloster Anno Dñi
 welches sie selbst gebawen / dienet daselbst G O T T mit 1037.
 andacht zwölff Jar lang / leuchtet in vnd nach ihrem le-
 ben mit Wunderzeichen.

Item zu Eöln am Rhein/ die weyhung des heyligen
 Erzbischoffs daselbst/ vnd Beichtigers Annonis / von
 welchem weyter am 4. Christmonats.

Item zu Rom des heyligen Felicis / Luciosi / For-
 tunati / Martie / Herodis / Antigonij / Januarij / Tu-
 telle / Gabiani / Quiriuli / wie auch Floriani vnnnd Do-
 nati.

g iiij. Nonas Martij.
 Der III. Tag im Merzen.

Zu Rom / ist heut der Geburtstag des heyligen
 Pappsts vnnnd Marterers Lucij / ward in der ver- Anno Dñi
 folgung der blutigirigen Kaysern Valeriani vnnnd 257.
 Galieni / vmb Christi Glaubens willen ins ellend ver-
 schickt / aber hernach auß Gottes schickung / zu seiner
 Kirchen widerumb zugelassen / vnnnd doch endtlich ent-
 hauptet.

Item zu Rom / der heyligen neun hundert Mar-
 terer/
 H v

Martius

terer / auff ein tag gemartert / vnd in S. Cecilien Kirchhof begraben.

Item des heyligen Kais Palatini / vnnnd anderer 27. seiner Mitgesellen / welche hefftig gepeiniget / vnnnd vmb Christi willen im Meer extrencke / die Himelische Kron erlanget.

Item zu Nicomedia der heyligen Martierer Adriani vnd anderer 23. deren tag eigentlicher gehalten wirdt am 8. Herbstmonats / an welchem tag der heylig Adrianus zu Rom begraben worden.

Item zu Trier des heyligen Bischoffs vnd Beichtigers Basini.

Item zu Prag im Bohem / die erhebung des heyligen Hertogs vnd Marterers Wenceslai / welcher am 28. tag Herbstmonats auch gesezt / vnnnd sein Fest alsdann surnemlich gehalten wirdt.

Item zu Eöln am Rhein / die erhebung der Häupter S. Felici vnd Audacti / deren gedächtnuß sellt auff den 30. tag Augustmonats.

Item selige gedächtnuß / des frommen Priesters vnd Beichtigers Besonis / in der grossen Carthaus gewesen Priors / der mit grosser Heyligkeit vnnnd Wunderzeichen / in vnd nach seinem leben leuchtet.

A iij. Nonas Martij. Der V. Tag im Merzen.

Anno Dñi 110. **Z**u Antiochia / ist heut der Geburtstag des heyligen Marterers Soce / der vnder dem Kayser Traiano nach viler schmach vnd schmerzen / so er vmb Christi Namen erlidet / wider die alte Schlang Triumphiret